



977590

鄧渚同叢  
集初編  
七卷

退補齋藏本

序

天下之樂莫大於多賢友賢友  
之樂必有詠歌以抒其性情易  
而云因聲相應詩而云終和且平  
者是也月樵都轉曩游皖垣客  
方伯何小宋同年署中予始以訂

鄂曾養集初編序

一

退補齋  
藏板

交維時朱久志學使吳竹莊廬訪  
李超皆觀察皆雄於詩与小宋月  
樵相唱和花晨月夕詩筒往來  
無虛日予汗流僵走時亦致頻年  
間月樵都為一集名曰皖江同聲  
集篤舊好示不忘也其後小宋

月樵相繼往鄂予旋亦解組從軍  
河津之交轉徙各宜所不相見者  
四年去歲蒙

恩改官湖北以七月至鄂後以小  
宗月樵相見情好如舊齒髮未  
衰又見張庶仙同年庶仙昔與

鄂省同聲集初編序

二

退補齋  
藏板

予同官詞垣別十餘年矣久歡  
然道故相與慰藉者久之月樵因  
出是編示予曰此楚江同聲集也  
予受而讀之三君而外則有丁心  
齋何伯英王夢松諸公彭于蕃  
王子壽兩先生皆予官京師時素

所心儀者其過客又有伍崧生同  
年崧生淡於仕進里居十餘年  
前歲浮江東行由楚達吳相遇  
於白下亭為予道鄂游之樂一  
時才人名士更唱迭和前于後呼  
鯨鏗春醴多盡兩長壇占之盛

逾於皖江矣當諸君子酒闌燈燭  
倚青玉棗握玳瑁管撥鬢徽吟  
得意疾書時而予方在長槍大戟  
間牛馬奔走塵沙滿衣臥聞刁  
斗起視烽燧幾不解吟詠為何  
事其相去為何如也今幸得從諸

君子後日閱清海深滌肺腑而小  
宋方伯又以量移山右行矣雖而後  
合、而忽雜皆出意料之外然則升  
沈以失固自有命豈良朋聚處之  
樂亦有造物者司柄世間而莫能  
自必耶予所以三復斯編而不禁

鄂嘗齋集初編序

四

退補齋  
藏板

低徊於絕七月樵居予為序因書  
數言於簡端以誌聚散之感并以  
紀汝君子一時之盛事云尔时在句  
治九年春王正月閱和陳濬謹撰  
并書



例言

一是編繼皖江同聲集而作余自丙寅四月來鄂寮  
宋聯謹大半燕臺舊雨從公餘間輒相贈答隨作  
隨鈔彙分七卷署曰鄂渚同聲集初編紀始也

一自丙寅至己巳前後四載所作以編年為先後不  
序官階不依年齒有因詩而存其人者亦有因人  
而存其詩者工拙固不暇計從實也

一同人姓字里居詳列目錄之下各卷中不復記載  
示簡也

鄂渚同聲集初編例言

一  
退補齋  
藏板

一曩時贈答諸君有任事者有需次者有異地來游  
者有寄居是邦者四年之中或擢階遠去或跨鶴  
仙遊逝者已隔幽明存者相違千里浮生如夢聚  
散靡常睽念同人依徊曷已彙刻是集誌感也

萍浮散人月樵識

鄂渚同聲集初編目錄

卷一

胡鳳丹

字月樵  
江永康人

七律七首又七古一首

張炳莖

字鹿仙  
江平湖人

七律一首

王熙緝

字夢崧  
西澤州人

七律一首

王柏心

字子壽  
北監利人

七律一首

陳建侯

字仲耦  
建閩縣人

七古一首

卷二

伍肇齡

字嵩生  
川臨邛人

七律四首

鄂渚同聲集初編目錄

一

退補齋藏板

何璟

字小東  
東香山宋廣人

七律三首

何國琛

字白英  
江海甯人

七律三首

張炳莖

七律四首

陳建侯

七律一首

陳懋侯

字伯雙  
建閩縣人

七律一首

胡鳳丹

七律十首

卷三

胡志章

字稚楓  
北安陸人

七古一首

胡鳳丹

七古二首又七律四首



劉維楨 字幹臣 湖北黃岡人

七律一首

卷四

金安清 字眉生 浙江嘉善人

七律十首

何國琛

七律六首

張炳堃

七律四首

胡鳳丹

七律八首

卷五

胡鳳丹

七古一首 長短句四首

何國琛

七絕四首

鄂省同聲集初編目錄

二

藏板 補齋

張炳堃

七絕三首

彭崧毓 字于蕃 湖北江夏人

七古一首

丁守存 字心齋 山東日照人

七律二首

朱宗濤 字荻舫 安徽涇縣人

七古一首

錢桂林 字香一 湖北江夏人

七古一首

王柏心

七古一首

卷六

金安清

七絕四首

吳耀斗 字朗心 江西

七絕四首

向光謙

字梅修 南桃源人

七古一首

劉國香

字瑶丞 北沔陽人

七古一首

袁瓚

字廉叔 蘇奉賢人

七律一首

諸可權

字肖菊 江錢唐人

七律二首

盧英儻

字粟甫 北黃岡人

七律二首

車元春

字竹君 蘇儀徵人

七古一首

陳善寅

字賓谷 南郴州人

七律二首

濮文暹

字青士 蘇溧陽人

七絕二首

詞曲附

鄂潛聲集初編目錄

三

退補齋藏板

徐慶銓

字幼岩 江仁和人

畫屏秋色詞

王樹之

字仲珊 北江夏人

十二時詞

丁紹基

字聽彝 蘇武進人

百字令詞

唐瑩

字子瑜 徽當塗人

擬琴操曲

濮文昶

字椿餘 蘇溧陽人

霜天曉角詞

卷七

胡鳳丹

五古四首又七律二首

彭崧毓

五古四首

王柏心

七律一首

何國琛

七律一首

鄂渚同聲集初編目錄

四

退  
藏  
板  
滿  
齋

鄂渚同聲集初編卷一 丙寅

贈張鹿仙觀察

胡鳳丹

申江小住結苔岑，翦燭西窗夜話深。雷雨飄零游子淚，

薰風噓拂故人心。一身仙骨清於玉，半曲梅花夏似金。

君貌瘦工文章善詞曲願看先鞭追祖述，馳驅四牡詠駸駸。

月樵都轉首唱長律見貽即依原韻奉答

張炳堃

雲臺勲績媿馮岑，君前以部郎總理京城辦事處勞績最著閩部交薦屢詔遷秩銜

恤歸來歲月深，訪舊特紆千里駕。君由皖赴鄂論交可對九

鄂渚同聲集初編卷一

一 退補齋藏板

原心同年表笱陔侍郎為君契友歿後僅遺寡弱君親至其家為之經紀榮名早識豐年

玉總布新權外府金君昨奉大府檄總理通省釐金積貯宜籌河內粟

西陲戎馬苦駸駸時西軍告饑方籌協濟

贈王夢崧觀察

胡鳳丹

久典樞曹志不凡，新披芻繡換頭銜。兵曹供職同事六年我甘伏

櫪頻迷路君本同舟，早挂帆蓀菜懷鄉勞軫結蓬蒿掩

徑，嬾鋤芟殷勤記否當年別，多少音書帶淚緘。

贈王小坪觀察

雄才磊落本非凡，粲粲高冠翠羽銜。雲可為霖初出岫，

風當遇順好開帆  
韜鈴萬卷材無敵  
總理湖北營務處  
荊棘千

山蔓未艾遲客江  
干天欲暮小巫書  
向大巫緘

次月樵都轉見贈原韻奉答  
王熙綰

投來珠玉絕塵凡  
才思真如馬脫銜  
舊雨重逢欣翦燭  
名場輕入悔張帆  
高情慷慨惟增感  
小草繁蕪尚待芟  
願欲與君拚一醉  
多時我已懍三緘

丁卯九月月樵都轉招陪何雲  
咳年文讌於紫藤

仙館即席賦呈  
王柏心

秋容晚節壓春花  
使者開樽泛紫霞  
星近南弧高氣色

鄂渚同聲集初編卷一

二  
退補齋藏板

謂雲咳年文天開東壁絢英華  
方設崇文書局於此蒼藤曲作龍虬古

奇石疑蹲虎豹斜  
餘興起看明月上  
繞欄香影更交加

次王子壽比部見贈原韻  
胡鳳丹

一枝夢筆競生花  
圓比珠璣燦比霞  
叔重宏才賅博雅

淵明高格謝繁華  
詩成漆室吟囊富  
序製晴川淡墨斜

晴川閣告成君作序文以識之遲我識荆今更健  
十年前已令名加咸豐

初起都供職已聞君名

謝子壽比部贈先大夫崇祀鄉賢頌疊前韻

文章起草格簪花  
頃刻書成蔡少霞  
摩詰朝川留畫本

將軍武庫擷精華

博學能文兼工繪事

青萍望重鴻才贍白雪聲

飛雁影斜一字一縑珍什襲光增家乘美何加

謝子壽同事書局幸受教益再疊前韻

一雙老眼信無花漫詔當筵賦落霞祇欲循名求青實

羌無踵事漫增華籌添鶴髮金萱茂

太夫人年逾九旬

春到螺

鬟碧柳斜

隱居螺山

學富伏生才富史

書局校對經史兼修漢陽邑志

勸君

餐飯且頻加

謝子壽比部贈小園賞花詩三疊前韻

地行仙會賞秋花

日前君與何丈小園賞菊君年六十有九雲咳丈年七十有八

點玉

鄂渚同聲集初編卷一

三

退補齋藏板

浮金醉泛霞座上耆英推洛社殿中人物是金華雄詞

倒峽源彌壯勝侶飛觴月正斜我向南豐私拜祝臨風

惟有瓣香加

八月五日牟皓升

嗣龍

陳仲耦

建侯

兩太守招飲

黃鶴樓李玉階

明埤

何芷舫

維鍵

楊笠生

儷珍

三觀察均在座王夢崧

熙綸

觀察因疾不至

我如倦鶴游天末一飲一啄討生活我本野鶴性未馴

翱翔江漢秋復春牟陳二公招鶴侶引我黃鶴樓頭看

鶴舞黃鶴一去幾千年騰有危樓矗江渚主人款客開

瓊筵鳳髓麟脂玉液泉一杯一杯互酬酢高談幽賞娛  
羣賢謫仙才調冠千古萬丈文光誰與伍衡湘自昔為

屏藩鶴有餘糧實天庾李觀察由湖南糧道晉署藩司維揚何遜鶴丰

姿水部改為農部司今日持籌奠全楚挽粟飛芻裕度

支何觀察由戶部改官楚北現辦軍需局務吏部文章中郎隸淵源本出子

雲系清白傳家守四知與我同舟期共濟楊觀察工王詩善隸

子養鶴緱山隈籠中枯坐招不來餐粟不肥偏善病同

羣望鶴心徘徊謂王觀察吁嗟乎羣鶴迴翔不常住一舉冲

霄來復去當年黃鶴樓中棲問鶴於今在何處斯樓浩

鄂渚同聲集初編卷一

四 退補齋藏板

劫罹紅羊鶴不歸來樓亦荒世變滄桑百感集疑有老

鶴華表翔羣公仙骨如鶴清我不能飛復不鳴安得一

琴一鶴相與和聲競鳴盛但聞絃歌比戶不聞風鶴聲

黃鶴樓小飲月樵都轉以詩見贈奉和呈政

陳建侯

黃鶴高飛志千里燕雀樊籠安可擬江上何年化作磯

白石巖巖呼不起黃鶴樓即危城百雉居上游虎踞龍

蟠控九州舊時豪傑今安在披襟坐對湖山秋湖光山

色當樓好羣仙雜還來蓬島畧分渾忘鷓鼠譏爭雄翻

似蠻觸討觥籌交錯聲模糊醉後狂歌擊唾壺昔人老  
去黃鶴杳今我不樂胡為乎酒闌人散日將夕楚水茫  
茫楚山碧鸞箋一幅忽飛來幻作佳章紀陳迹不才強  
欲和君詩愧乏江郎筆一枝枯腸芒角不敢出江上浮  
雲那得知

鄂省同聲集初編卷一

五

退補齋  
藏板



鄂渚同聲集初編卷二

戊辰

初至武昌上小宋中丞

伍肇齡

昔聞黃鶴樓頭勝每憶風流在武昌况近登臨三五夜  
肯辜歡笑百千觴庾公已約胡牀憇謝客猶留鄂渚旁  
引領冰輪佳夕滿還攜玉笛縱清狂

月樵都轉邀同鹿仙觀察登晴川閣遊月湖隄因  
趨漢陽府署謁仲耦太守暨哲兄伯雙遂留早  
飲登秋興亭時五月廿一日也

晴川閣上登臨壯大別南來對武昌渚靜千帆如拭鏡

鄂渚同聲集初編卷二

一

退補齋  
藏板

軒容十客好傳觴月湖隄步江波外秋興亭凌漢水旁  
勝賞又兼逢勝侶高歌聊學楚人狂

五月廿三日月樵都轉邀同鹿仙白英兩觀察遊  
長春觀寶通寺卓刀泉諸勝再疊前韻

朋簪間日尋佳勝蕃廡郊原閱百昌翠巘浮圖標石級  
琳宮小院汎霞觴江雲鬱起迎初伏湖水漣漪匝四旁  
更試卓刀泉一勺風生兩腋興增狂

余屢登黃鶴樓後翁和詩以道氣二字貺余和之

三疊前韻

自從鐵笛來仙侶  
明月清風屬武昌  
逸興超騰思控鶴  
奇情鬱勃快銜觴  
三庚大伏不知暑  
六甲靈飛儼在旁  
一笑斯樓槌碎後  
未容崔顥減吾狂

樓燬惟遺址故云

崧生同年自蜀泛湘來鄂訪余邀鹿仙同年會飲

署齋步前韻奉贈

何璟

扁舟一葉下瞿塘  
聞在長沙望武昌

以申夫先信來

忽訝文星

聯翼軫剛逢明月照  
壺觴夢迴青瑣滄江上

余與鹿仙均有王堂

天上之感

詩詠南樓北斗旁  
涵養看君多道氣

鹿仙從君講養生之道

我今亦悔次公狂

鄂清同聲集初編卷二

二

退補齋藏板

崧生登晴川閣秋興亭遊月湖隄作詩見示疊韻

奉和

三年未上晴川閣

余到鄂三載未遑一登

庾亮風流負武昌  
勝會

忽聯江海客

崧生蜀人鹿仙月樵浙人陳伯雙仲耦昆季閩人

豪吟定累百千

觴萬家煙樹官亭外  
十頃湖荷縣堞旁  
不羨東坡遊赤壁  
歸來誇我興猶狂

壁歸來誇我興猶狂

崧生復遊長春觀寶通寺卓刀泉諸勝作詩見示

再疊前韻

城東景物堪遊覽  
浩蕩郊原百卉昌  
繞郭山橫青步障

登樓人醉紫霞觴風飄梵唄諸天上雲護靈泉大道旁  
連日雨餘炎暑退多應仙佛助清狂

月樵玉階鹿仙三觀察招陪伍嵩生太史月樵賦  
詩屬和即次元韻奉酬 何國琛

紫藤花下開良讌笑指文昌集武昌玉局幸逢仙子醉  
金門曾入少年場味餘摘果烹葵外人倚斜陽古樹旁  
酒興漸闌詩興健漫言何遜老猶狂

月樵都轉疊韻見贈稱許過當為言宦場甘苦勗  
勉諄諄意良厚也再次奉答兼以述懷

鄂渚同聲集初編卷二

三

退補齋藏板

九天珠玉隨風唾勸我嘉言合拜昌為報烏私甘解組  
余乞養十年 偶譚雞肋笑登場後凋松抱冬心久出岫雲多

夏口旁 謂賡虞譜香諸君 聞道楚氛今不惡接輿辟後幾人狂

月樵都轉招同嵩生太史鹿仙觀察雅集長春觀  
兼遊卓刀泉再疊前韻

出郭頓教雙眼豁嘉禾萬隴喜蕃昌江山收入新詩卷

月樵都轉擬將同人唱和諸作裝成一冊 鐘磬還尋古道場策杖直躋瓊闕

上 長春觀中紫閣極高 停車小憇竹籬旁刀泉清許詩脾沁消

卻吟狂與醉狂

戊辰竹醉日伍嵩生同年肇齡至自長沙香山中  
丞置酒幕府命陪末座譚讌盡歡嵩生首倡長  
律見志因次原韻奉簡兼上中丞

張炳堃

當年惜別長安道此日相逢在武昌

咸豐癸丑余與君先後請假出都不

相見者十有六年

君是神仙重涉世

入都將

我如傀儡又登場談

深燈燭西窗下

是夕縱譚春明舊遊

夢繞觚稜北斗旁且喜庾公

容脫略不將禮數責疏狂

五月廿一早時雨既足薄雲弄晴約同嵩生同年

鄂清齋集初編卷二

四

退補齋藏板

月樵都轉登晴川閣即事有述仍用原韻

詩詠登樓杜工部賦成喜雨段文昌祇今銀榜開仙宇

自昔金戈莽戰場但覺此身遊物外不知萬象在吾旁

故鄉亦有西湖好此去端應憶酒狂

萬生將由金陵之杭州

登晴川閣後將遊月湖隄先詣漢陽郡齋陳仲耦

太守置酒款洽招登古秋興亭三疊前韻

晴登傑閣煙氛豁雨過山城物象昌欲向蘇家尋筮屐

令兄伯雙同座

卻從陶令借壺觴看花眼落滄洲外

亭在署後鳳凰山頂

載酒人來日月旁見說東南賓主美臨邛一客更清狂

謂嵩生  
同年

翌日月樵都轉招同嵩生同年何白英觀察

國琛

登長春觀紫微閣並赴卓刀泉茗飲四疊前韻  
卑棲忽覺乾坤隘到此方知萬景昌若變西江作春酒  
願因北斗挹天漿金仙未許超塵劫玉女還應笑帝旁  
換骨苦無丹白藥且將靈液療吾狂

贈伍嵩生太史北行即用元韻錄呈月樵都轉

陳建侯

隔江黃鶴杳然去猶有晴川傲武昌深愧不才居劇郡

鄂清同聲集初編卷二

五

退補齋  
藏板

敢邀騷客作詞場胸懷月到天心候指顧星臨  
帝座  
旁此去莫嫌詩料少吳頭楚尾足清狂

月樵都轉偕嵩生太史鹿仙觀察見過各出律詩

相示因用元韻呈政

陳懋侯

都督當時開祭戟賓朋文讌盛南昌不圖賤子風塵眼  
及見羣公翰墨場舊雨來逢今雨後  
前一日雨甚  
而是午適晴德星  
聚向客星旁他年江漢傳佳話應說高軒過楚狂

次張鹿仙  
炳並  
觀察用伍嵩生太史原韻

胡鳳丹

知己相逢溯丁未

京外相好惟丁未榜最多

由來八座屬文昌池塘

春草吟詞苑

君與海門侍講先後入翰林

鱗甲秋風墮戰場

余南北鄉試十

次不售

烽火心驚燕薊北鄉關信杳聖湖旁

北省軍情近無音耗浮

雲富貴非吾願故態依然似昔狂

### 因事誌感疊前韻

宦海浮沈十五載中興幸際頌歸昌誰知故我猶今我

纔悟官場是戲場看劍引杯澆塊壘檢書燒燭覓偏旁

校對經史夜半而止

天心皓月清如許底事無風浪忽狂

十九日偕鹿仙玉階兩觀察招伍何二君小飲即

鄂清齋集初編卷二

六

退補齋藏板

### 席三疊前韻贈伍嵩生太史

愧乏嘉穀款嘉客

先一日君有書來訂以多用蔬菜故及之

相逢眉宇見光

昌夜深醉月藤蘿架

酒酣移席紫藤花下盡歡而散

年少登雲翰墨場

丁未入詞林者君年最少

錦水遥環珂里曲香煙夙侍玉皇旁

君歸蜀十

六年獨留佳話傳丁未舊雨新知喜欲狂

### 贈何白英觀察四疊前韻

黻佩聲華桑梓誼薇紅柏綠競蕃昌

同鄉王耕娛方伯鄭譜香廉訪君與

余及鹿仙觀察在楚者共五人

寓公泛宅經三載

余自丙寅來鄂今已三年矣

老将

登壇又一場

君由戶部京察出守襄陽旋告終養已十餘年乃出

立業今期麟閣

上論交昔侍鯉庭旁與哲嗣子泰山北斗名同仰樽酒  
談心恕我狂

二十日約嵩生太史鹿仙觀察次日遊晴川閣夜

聞雨聲恐不果往五疊前韻

傑閣凌霄高百尺左縈南岳右南昌江山訪古胸千載

風雨愁人夢一場兩字殘碑雲路側黃鶴樓有雲路碑  
相傳曹孟德書

半隄芳草月湖旁登臨好待天開霽童冠偕游點也狂

二十一日天氣新晴偕嵩生太史鹿仙觀察游晴

川閣陳仲耦太守招飲六疊前韻

鄂省齋集初編卷二

七

退補齋藏板

今日無風復無雨江天一覽物繁昌鳳凰山抱雄城堞

漢陽郡署後有鳳凰山鸚鵡洲開淺草場柳色低迎襄水

曲由月湖茶香新擷洞庭旁鹿仙觀察出  
君山茶共飲季方才濟元

方美低首相逢不敢狂謂陳伯雙  
仲耦昆季

偕嵩生太史白英鹿仙兩觀察游長春觀七疊前

韻

證果偶來清淨地紫微光照道遐昌龕供紫  
微上帝軟塵十里

游仙路舊夢三生選佛場嵩生鹿仙白英各由科甲  
通籍今忽忽十數年矣夜

雨重泉千樹杪夕陽遺壘萬山旁洪山為近年駐  
軍處遺壘猶存間官

無事貪行樂半屬詩狂半酒狂

游洪山八疊前韻

古寺荒涼經浩劫雄城高築勝韓昌

山畔土城如帶藍朗亭軍門所築也

林泉變作干戈地金粉摧成瓦礫場空際層嵐新雨後  
燼餘焦土夕陽旁無情芳草連天碧惹得蜂狂又蝶狂

游卓刀泉懷古九疊前韻

堂堂廟貌千秋肅捧日忠扶漢業昌天險擴開吳蜀界  
地靈呵護甲兵場嘶風馬渴奔泉側偃月刀寒卓道旁  
一勺清泠憑弔古沁脾為我助詩狂

鄂清齋集初編卷二

八

退補齋藏板

送伍嵩生太史之金陵十疊前韻

從來人物推西蜀學術高於楊仲昌容我猪肝供旅館

讓君牛耳執詩場

君首唱後諸公皆疊和也

蘭橈翠擁吳山上柳眼

青垂漢水旁醉拍銅琶唱東去一帆風送謫仙狂



鄂渚同聲集初編卷三

憶舊游行奉懷月樵都轉在皖卻寄

胡志章

黃鶴樓前江水流黃鶴樓上仙人遊仙人騎鶴去不返  
高樓矗立三千秋青山歷歷漢陽縣倒影江光如匹練  
憶我登樓方少年酒酣題句呼青蓮卅載不歸今老矣  
樓亦過眼空雲煙鸚鵡洲晴川樹都是平生夢遊處襟  
上猶題傾蓋名卷中但有懷鄉賦江山文藻須人傑楚  
國風騷仰前哲羨君三載駐檐帷可有芷蘭供采擷君

鄂渚同聲集初編卷三

一

退補齋  
藏板

詩神骨濯冰雪君家世德光閎闊想見騷壇蒞敦槃定  
使羣材奉圭臬坐上清言字貫珠門前流水輪消鐵擁  
鼻爭為謝傅吟解頤又聽匡衡說君不見楚地茫茫橫  
天下祇今三戶遺民寡但見青紅蜃結樓誰憐雲夢鴻  
磬野持籌飲水知君才召父杜母期君來綠章早達通  
明殿繡斧榮登御史臺人生久客思鄉里何況故鄉有  
知己雁足頻傳錦字書猪肝那及莼羹美仙人費文禕  
詞客禰正平精爽萬古長如生我欲趁此江月明布帆  
一葉秋風輕與君仙棹亭邊路共話傷今望古情

戊辰秋仲次稚楓太守原韻寄皖 胡鳳丹

樓上仙人第一流，仙人一去何人游。  
黃鶴不來玉笛咽，吹落梅花春復秋。  
江城如畫幾邦縣，武昌城外帆飛練。  
我來不是晉唐年，手持斗酒招青蓮。  
青蓮攔筆已千載，高樓灰燼埋荒煙。  
江東雲滑北樹雙鯉迢迢渺，何處芳草天涯客不歸。  
靈光古殿人誰賦，郢中自昔鍾靈傑。  
况復君才超往哲，曹倉鄴架勤搜羅。  
宋豔班香恣采擷，我媿巴人君白雪。  
月旦當年互評閱，同時健者推延陵。  
今擁節旄昔陳臬，詩牌酒盞相招邀。  
如漆投膠磁引鐵，吳竹

鄂渚同聲集初編卷三

二

退補齋藏板

莊中丞前任安徽臬司時余與君先後游皖詩酒往還無虛日

別君容易見君難，項斯

到處逢人說君不見，往古來今盛名下能雪虛聲蓋亦

寡，豈無游說傲王侯，那有勳名震朝野。江左夷吾天下

才一琴一鶴，翩然來來暮紛歌。皖山麓去思遠繫姑蘇

臺，君初官江蘇今改留皖省老驥雄心日千里，好憑肝膽酬知己。冰

銜皎映冰心清，史才詩才擅兩美。蒼茫吳水闊，縹緲楚

山平。一夜相思白髮生，贈我新詩照眼明。何以報之瓊

瑤，輕樓成寄語南飛鶴。黃鶴樓現已鳩工何日歸話平生情

己巳午節感懷簡何白英觀察 胡鳳丹

滿城風雨江聲涼，瑞陽風景如重陽。  
黃鶴樓頭望鄉國，午潮一白通錢塘。  
錢塘一別泛萍梗，雖仕猶隱身如癭。  
不飛不鳴逾三年，畫虎不成類畫餅。  
論交卻喜多名流，詩牌酒盞相留況。  
有故人兩水部，謂君與小宋方伯如膠如漆情。  
尤投駒光過隙駛，如箭卻暑家家畫團扇。  
手牽五色續命絲，作嫁為人壓金線。  
壓線年年徒自傷，世無青眼空熱腸。  
仰天搔首三歎息，江水滔滔日月長。  
吁嗟乎日月長，名利忙從古官場。  
是戲場富貴浮雲我何有，不如及時行樂傾蒲觴。

鄂清齋集初編卷三

三

退補齋藏板

次月樵都轉見示午日感懷原韻 何國琛

傾盆倒峽天中涼，連朝積雨陰乘陽。  
江頭暴漲波千尺，湍急還愁荆襄塘。  
人心不波波不梗，頸惟處險乃生瘡。  
我今匏繫羞素餐，當年枉啖紅綾餅。  
六十年華似水流，篋中祇有舊詩留。  
銜杯覓句苦未就，蠻牋忽報瓊瑤投。  
快如神臂驚猿箭，潔如霜雪齊紈扇。  
狂吟直欲鞭雷公，仰視茫茫天一綫。  
磅礴如君漫自傷，金剛面目佛心腸。  
無雙才調空儕輩，問年况復春華長。  
吁嗟乎春華長為底，忙大好優游典籍場。  
君主校崇文書局名花滿園客滿座，高

談雄辨傾千觴

讀退補齋詩鈔用集中賦雪三十疊原韻贈月樵

都轉

劉維楨

別太匆忙會太遲萍飄蓬散兩難支頻年述作憐君苦  
永夜推鼓笑我癡燈影沈沈人睡後花陰寂寂月明時  
細評大集空今古屈宋方能並駕馳

劉幹臣

維楨

軍門寓書道意並寵以詩依韻奉答

胡鳳丹

慕韓雖早識荆遲為效松齋急訪支別後傳書魚腹遠

鄂清齋集初編卷三

四

退補齋  
藏板

詩中有畫虎頭癡苔岑臭味聯今日鐘鼎勳名冠一時  
儒將風流當代重皇華四牡載驅馳

劉軍門統領忠義全軍紀律嚴明再疊前韻奉贈

當年周道賦透遲手障狂瀾一力支橫掃蠻軍供睥睨  
苦吟驢背笑猷癡高樓修鳳超流輩畫閣圖麟待異時  
文陣雄奇兵陣壯萬夫辟易雨風馳

讀劉軍門梅花詩鈔三疊前韻

梅落江城五月遲年年鶴守俸頻支巡檐快索詩人笑  
訪豔渾同處士癡對酒當歌屯甲地暗香疎影據鞍時

一枝為寄春消息付與紅塵驛使馳

重修正覺寺劉軍門允捐金以成善舉四疊前韻

新栽祇樹著花遲歡喜因緣證辟支渡海登航知佛普

沿門託鉢笑僧癡曾經面壁三年久余寓與正覺寺僅隔一牆募修之志

三載乃償已是為山九仞時試上鶴樓望江北飛蛺應共羽

書馳

鄂渚同聲集初編卷四 己巳

己巳五月游長沙歸重過武昌白英鹿仙兩觀察  
招飲於月樵都轉紫藤仙館即席賦呈

金安清

綠陰簾外雨聲麤梧檻藤廊宛畫圖小築已規經濟略

齋前花石位置幽蒨清談深得主賓娛頭銜玉局官原

能以小見大故云冷鹿仙與君心學金華德不孤新刊婺州先儒諸集卻笑閉門張

子野瘦筇三影倩花扶鹿仙期而未至時方小病

權算軺車壁畫勞冰壺清節勵秋毫爭傳謀斷同心雅

鄂渚同聲集初編卷四

一 退補齋藏板

白英與君同理釐務相得甚懽豈有樓臺百尺豪南浦銷魂芳渚地西

湖回首曲江濤異鄉聚合談何易莫漫尊前感鬢毛

旬日後自夏口渡江再飲於月樵齋中仍次前韻

怒帆千里浪花羸日日推篷潑墨圖自湘歸舟風雨多日小住又

欣良友集高齋獨讓此君娛疎簾清簟香偏遠楚岫湘

江夢未孤喜見層樓黃鶴迴蹒跚欲倩小奚扶

司馬游蹤不憚勞添將吟興入霜毫異鄉山水皆堪戀

末路文章只自豪明月萬千休論價小松三兩易成濤

酒杯在手歡無極身外何須重一毛

次日白英招飲三疊前韻

野老輕衫越葛屨招涼壁有北風圖室中蘭草甘同夢

海上桃根足自娛白翁納姬乃粵產珠履待尋高閣迴同人約遊黃鶴

樓金尊同負故山孤鬢絲禪榻心情懶簾外茶煙一縷

扶

唱酬休厭八义勞可記風簷鬪寸毫博望星槎游已倦

軒轅石鼎韻難豪新朋江渚逢陶侃謂月樵舊夢山陽感

薛濤鹿仙令兄海門學使三十一年前同在袁浦歎讌最盛更祝晚霞顏色麗長風

天與送鴻毛

鄂渚聲集初編卷四

二 退補齋藏板

鹿仙再招飲四疊前韻時將東歸即以留別

浪言節度一官羸為戀湖山失壯圖余補湖北糧道未赴留浙甚久三

徑依然貧士業十年只博老親娛且為長夏驅炎計未

厭陽春和曲孤勝景登臨忍拋卻晴川闌檻五雲扶

空庭掃葉校讐勞舊事曾簪玉殿毫二頃田園能自足

五陵裘馬儘人豪歸帆好趁黃州月橫槩誰吟赤壁濤

懶向當途留姓氏篋中名紙久生毛

行有日矣酷暑小病連夕與月樵都轉情話其居

心行事迴乎流俗者指不勝屈五用前韻隱括

其詞以志傾蓋之歡

美玉他山耐石麤經綸動輒百年圖眼中觸物心精貫  
體下容人肉食娛意正自邀神助厚皖南埋骨事志同未慮

立身孤讀君家乘欽先德喬木千章祖德扶

精神龍馬不辭勞運甓光陰惜寸毫半粒艱難惟惜福  
千金敦睦豈云豪藏書地擁百城業疊韻瀾翻八月濤  
好訂登高簪菊約呂仙樓上薦溪毛

次眉生都轉韻兼簡月樵

何國琛

琴心劍膽俠腸麤知已誰酬督亢圖買駿無人何足恨

鄂渚同聲集初編卷四

三

退補齋藏板

雕龍有技儘堪娛湘南楚北遊忘倦竹笑蘭言氣不孤  
異地欣逢新舊雨月闌同醉萬花扶

催我郊寒擊鉢勞幾回檢韻復停毫王前盧後嗤爭長  
蘇海韓潮敢並豪簾幙陰濃消酷暑江湖天濶足風濤  
不逢殷浩虛前席奚事雄談擲塵毛

仍用前韻並送眉生都轉東歸

何年餐共腐儒麤好繪香山五老圖未免有情聊復爾  
思量無計且同娛煙雲繚繞奇峰出星斗橫斜皓月孤  
試上鶴樓望江漢危欄百尺手頻扶



排日開尊喜忘勞山般況不費分毫陸機詞賦江東重  
蘇軾文章海內豪小住漫嫌庭院水歸橈飽看廣陵濤  
迎門稚子勝彭澤池上清聲引鳳毛

再疊前韻贈月樵都轉

碧紗窗細竹簾羸滿架藤陰入畫圖大好招涼消酷暑  
何妨留客助清娛中邊奇石三峰削西北高樓一角孤  
笑我叨陪偏痛飲醉呼槐柳當童扶

萬卷搜羅不憚勞編摩已禿兔千毫安排玉軸同金簡  
雅集詩仙並酒豪朝趁清風收竹露夜延明月煮松濤

鄂清同聲集初編卷四

四

退補齋藏板

圖書供養神仙福勝比黃翁五伎毛

己巳五月下澣與白英月樵兩觀察簡招金眉生

都轉會飲於月樵寓齋屆期因病不赴眉生有

詩紀事依韻奉酬

張炳堃

濟勝何嫌被服羸洞庭煙靄倩君圖

君方歸自長沙

朝無闕事

容高寄篋有新詩足自娛太息朋儕朝露溘

先兄海門暨錢萍石

陳寶庵兩同年為君論詞契友先後逝世君為累歎

近來詞苑曙星孤買鄰他日

酬初願近局招邀醉共扶

漳濱一卧息塵勞卻軌閒門自吮毫隔巷林嵐成夢想

連宵風雨聚賢豪且商者舊千秋業月樵方訂金華叢書苦憶江

鄉八月濤白英籍隸海甯安得與君同挂席眼前得失等鴻毛

招眉生白英月樵三君小集寓齋即事奉呈眉生

東歸行有日矣兼以誌別仍疊前韻

登場自笑一官羸看盡煙雲萬變圖病久不知春物改

朋來暨覺客懷娛新期稻蟹終須踐眉生訂九月重來舊約尊

鱸未肯孤衰謝敢談匡濟略醉來還倩短筇扶

總布頻年權算勞白英月樵同掌釐務簿書叢裏又抽毫月樵兼領書局

識途老馬推公健謂白英論事元龍讓爾豪謂月樵傑閣且

鄂涪同聲集初編卷四 五 退浦齋藏板

看荆渚月黃鶴樓重建落成歸舟待賦雪山濤橫江倘有東來

鶴珍重音書附羽毛

次金眉生都轉見贈原韻即席答賦

胡鳳丹

風味寒酸野藪麤勸君漫作東歸圖世無知己非關傲

家有藏書足自娛君有乞食餘錢尚買書之句曲澗難容湖水闊羣

山皆小一峰孤古來管鮑曾餘幾危者能持顛者扶

昔年王事獨賢勞未肯聲名挫一毫當代名卿誰伯仲

從來造物忌英豪胸襟雪亮明如月舌本澗翻幻似濤

愧我不才傷老大手搔兩鬢感霜毛

贈白英觀察再疊前韻

身計經營氣味羸年年空看選官圖得來餽粥談何易  
除卻琴書意罕娛膠漆互投交最摯驅蛩相倚道非孤  
浮沈宦海茫無岸賴有同舟手共扶

辛苦持籌兩載勞

君自去夏坐辦釐局今已二年

寸衷坦白判分毫羣

賢滿座心情洽老將登壇氣象豪異地雲停聯縞紵一  
江風靜息波濤頻叨下問虛前席不鄙芻蕘等蝟毛

贈眉生都轉三疊前韻並簡白英鹿仙

鄂渚同聲集初編卷四

六

退補齋藏板

愧我樗材情性羸頻年慣作卧遊圖離情梓里滄桑感  
禊事蘭亭視聽娛遲我論交三徑暮從君問字一燈孤

屈住小齊漏三下余出古墨蹟各為留題

欣逢舊雨兼新雨雄辯高談兩董

扶英觀察

海內名流屬望勞萬言倚馬快揮毫功名坎坷心能降  
事業英多氣亦豪何幸謝任交范泰相逢嵇阮憶山濤  
余與白英鹿仙三人同酌鹿仙因病未至南陽雖好休高卧會待絲綸賁鳳

毛

眉生都轉時將東歸四疊前韻贈別

橫掃千軍膽力麤毫端書就練裙圖

承題古墨蹟及成少保手卷

煙

雲過眼都如寄經籍羅胸足自娛漢上題襟三友在

白英

鹿仙與余皆浙人也

雲端望月一輪孤

君欲東歸行有日矣

招涼幸有綠天

陰

小園花木濃蔭承題綠天精舍

花影滿身雙袖扶

遨遊湖海竟忘勞夢筆花生五色毫論事略如同甫策

高吟不讓謫仙豪襟懷高曠雲間鶴氣概恢閱海上濤

今日魂消江渚柳一帆風順遇鴻毛

鄂嘗聲集初編卷四

七

退補齋藏板

鄂渚同聲集初編卷五 己巳

水仙蘭

七月望後三日齋中素心蘭盛開忽見兩穗如  
水仙瓣者一則孤芳自賞一則並蒂連莖為花  
中百不一見者率爾成章聊以誌異云爾

胡鳳丹

君不見紅蓮稻生臨水香蓮兮稻兮爭芬芳又不見夾  
竹桃開千萬枝是桃是竹費尋思謁來小園香風度階  
畔幽蘭生縞素素色素心亦何奇婀娜早被美人妬美

鄂渚同聲集初編卷五

一  
退補齋  
藏板

人不來花不採為有凌波仙子在我聞羅韞香生塵不  
與羣葩鬪蓓蕾似蘭非蘭懸揣多同心何幸來湘娥冰  
雪為肌玉為骨亭亭素影相婆娑一產湘江一洛水鉛  
華淨洗清無滓清風明月捲簾時遮莫前身姑射是我  
昔耳聞猶懷猜今及見之心為開一朵瓊英圓而潔更  
兼並蒂珠含胎花不能言羞自獻沈埋恐惹離騷怨一  
種幽香秋復春願花長伴吟身健

次日約白英鹿仙玉階芷舫夢松諸公齋中賞蘭  
即席續賦

蘭猗猗植中原中原道云遠思之亦已煩縱有奇葩香馥郁湘妃解珮人無言孰若園中紛旖旎清風明月祛塵喧

蘭猗猗生幽谷幽谷無人知淹沒在林麓縱能變幻胎奇花一陣清風散幽馥孰若瑞氣生庭階美人仙子香盈掬

蘭猗猗產江澧江澧路阻深清流隔瀾瀾縱觀仙子香生塵花影凌波香亦洗孰若盆卉爭芬芳吾欲貯之金屋底

鄂清同聲集初編卷五

二

退補齋藏板

蘭猗猗開上苑上苑王者香所思已太遠縱使洛浦來神靈叢生恐與衆芳混孰若並蒂吐奇芬臭味同心見恨晚

和水仙蘭詩七絕四章

何國琛

同治己巳秋七月月樵都轉齋中素心蘭盛開  
花有並蒂似水仙瓣者兩朵世罕見之望後三  
日招同人雅集即席口占和之

踈踈秋色滿園林九畹香飄愜素心有約凌波仙子到  
同根絕勝異苔岑

一樣花開兩樣奇  
幾回擱筆費尋思  
似聞空谷風來後  
又遇瑤臺月上時

孤高祇自保幽芳  
豈屑人誇王者香  
秋老待紉騷客佩  
天教幻作洛妃妝

楊柳櫻桃伴樂天  
仙娥並蒂占秋先  
夜涼齊向先生道  
今夕何須詠百篇

月樵連夕成詠懷三百首二姬侍硯徹夜無眠

和水仙蘭詩七絕四章

張炳堃

月樵都轉齋中素心蘭盛開有兩穗作水仙瓣  
一單枝一並蒂此花世不恆有有藝蘭十年樹

鄂濱閣聲集初編卷五

三 退補齋藏板

蘭十晦而不一見者月樵亟邀同人讌賞即席

首倡長短古詩索和走筆應之

斐几繩床淨點塵  
素心花對素心人多應  
不耐孤芳冷  
攜得湘臯玉立身

飄煙抱月却紅妝  
國豔端宜列洞房  
只恐錦屏人竊聽  
要君低誦洛神章

永豐坊裏柳雙株  
柳驪花嬌兩不如  
今夜夜涼同入夢  
為傳佳識與檀奴

和水仙蘭詩古風一章

彭松毓

月樵都轉寓園秋蘭盛開有素心水仙辨者誕  
降嘉種是為瑞徵芝草醴泉近在里巷亦和氣  
之所聚也連跗比萼異質同心君子偕升美人  
並世豈非吉朕歟月翁賦詩徵和爰率筆以應  
之

我聞蘭有黃殿講陳夢良屈宋高豔鄭姑香非族不敢  
生其旁蘅荃雜與蕭艾伍靈均所嗟向誰語樹之九畹  
成孤芳衆卉低頭拜香祖楚然空谷來足音藐姑仙子  
珊珊臨相視莫逆臭味合結鄰而處同苔岑久之忘形

鄂清齋聲集初編卷五

四

退補齋  
藏板

到爾汝襄陽二德無賔主兩家弟子舉止同剃面熏衣  
鄙塵土伊昔元白稱至交朝吟暮嘯如漆膠夤緣入相  
忠諫謫畢竟心跡薰猶滄君子同朝世所慕美人傾國  
爭先覩尹邢避面定非妍不是蛾眉始相妬譬如鳳凰  
飛集珠樹林鸛鷺上下和其音羽毛豈必盡相肖皆為  
盛世之祥禽又如藍田之玉美無匹方者為珪圓者璧  
良工彫琢本天成溫潤而澤縝以栗君居東巷我西頭  
蓮社梅林溯舊游前朝鷓尾尋煨燼徹夜紅光射牛斗  
金薤琳琅皆至寶牙籤錦軸哀然好芝蘭玉樹一時生



猶有康成書帶草

和水仙蘭詩七律二章

丁守存

月樵都轉鄂城小寓花木極盛蘭品尤多中有

素心一盆忽吐圓瓣二朵狀若水仙為向所未

覩紀之以詩索和於余勉就二章用酬主人雅

意

羨君卜築蒼羣芳不辨天香與國香  
氤露乍紉湘子佩

凌波忽現洛妃妝  
彈成雅操琴雙調  
訪到伊人水一方

玉樹庭階占吉語  
可能重續九霞觴

白英鹿仙均與雅集故云

鄂渚同聲集初編卷五

五

退補齋藏板

一庭涼月恰新秋  
解佩仙人漢渚游  
為愛素心諧伴侶

願盟白水效綢繆  
生香不斷成連理  
結契無言託蹇修

寄語主人勤護惜  
莫教風日到簾鉤

和水仙蘭詩古風一章

朱宗濤

萍浮散人有花癖  
愛花如愛千金璧  
廿四番風簇簇新

那容俗豔污香國  
昔年黃菊東籬開  
並頭肥綻雙玫瑰

香山老叟詫奇絕  
紫薇垣畔親移栽

時香山何雲咳先生就養藩署曾從

公索並頭菊植之  
今其種徧鄂城矣  
羯鼓聲聲催未歇  
秋風一夜芳爭發

翩然姑射胡為來  
似蘭非蘭競丰格  
一花突兀頽而長

水肌玉骨森開張一花連理美而倩同心低舞差池燕  
花花對影成三人美人為主仙為賓素心晨夕淡於水  
羞他凡卉陳陳因君不見空谷葳蕤誇絕代湘江騷客  
紉為佩又不見皓齒明眸洛浦神凌波微步清無塵得  
此名葩一已足况兼二美藏金屋辛苦種花花有秋一  
樹百獲藍田玉藍田玉生庭階謝家子弟人稱佳謂若  
嗣子

樵次樵  
諸公子

請看皎皎臨風樹須臾變化參三槐

### 和水仙蘭詩七古一章

錢桂林

是誰巧把瑤琴鼓水仙猗蘭同一譜咄哉花神作狡獪

鄂渚同聲集初編卷五

六

退補齋  
藏板

別種幻出色香界就中並蒂尤標奇同心臭味無差池  
湘女洛妃聯眷屬一時雙美人如玉含顰宜笑倚前軒  
各抱秋懷悄不言都轉見之色狂喜哦詩染盡桃花紙  
不寫其貌寫其神十指拂拂生香塵亟召吟賓共欣賞  
觀者單詫今無兩謂是清芬善人居藐姑仙子胡來乎  
交柯接葉匪人力化工微意吾能識幽芳不合儕榛荆  
空谷頃刻登蓬瀛惟公萬卷擁緗緗碧端宜素心伴晨夕  
維摩居士况通禪天花迸落理固然先生時總書局事  
兼董修正覺寺故

之安得畫師工著色生絹一幅驅煙墨管下雙枝繪為

圖歲寒留與三友俱

和水仙蘭詩五古一章

王柏心

蘭藥有作水仙瓣者俗名水仙蘭月樵都轉行館中階下蘭叢擢此二箭大有奇致賞異之因賦詩徵詠和者如雲柏心後至亦屬繼作輒成五言一章卻寄

蘭生空谷中倒映湘江涘清流何濺濺白石何齒齒湘上有皇英同心愜孔邇有鄰德不孤莫逆笑相視聯璧如同車贈珠邀彼美羅襪清無塵皜然泥不滓節使高

鄂渚同聲集初編卷五

七

退補齋藏板

外臺階下忽茁此競秀謝庭芳跼鄂封胡比夜半燃青藜奇芬襲圖史雖持筦榘權清潔共懷履異卉乃呈奇天葩並坼藥搖筆走珠璣徵和興未已穆羽賡繼聲逸韻協宮徵由來君子交素心淡如水涉江憶騷人香草喻微旨

鄂渚同聲集初編卷六 己巳

和水仙蘭詩七絕四章

金安清

凌波仙子幻湘妃香夢同披白紵衣消受人間文字福  
百城芸草玉成圍

芬芳九畹結同心湘水湘波深復深好是疎簾茶熟後  
一痕微雨溼秋琴

解珮風流憶漢臯珊珊微步儘魂消從今異卉傳花譜  
不數揚州廿四橋

空谷徘徊靜可憐楚騷結習美人篇畫圖應與留香影

鄂渚同聲集初編卷六

一  
退補齋  
藏板

證取靈均廿五絃

和水仙蘭詩七絕四章

吳耀斗

都轉愛花花特奇幽蘭嫵娜玉參差無端幻作湘娥影  
疑是雲鬟解珮時

碧叢香裏韞生塵幾度曇花現化身莫道因緣無夙契  
神仙多半素心人

翩翩翠袖復明璫偷換羅襦襲異香月色四圍涼露釀  
伊人宛在水中央

是空是色是彌陀洛水沅江舊夢過為問娉婷仙子意

何如拾步少風波

和水仙蘭詩七古一章

向光謙

空谷佳人何窈窕長伴詩翁共昏曉凌波仙子步盈盈  
含香體素欲傾城惜哉二美不同時邢尹何由并見之  
忽驚一夜香風來素心滿園花正開中有兩穗更奇絕  
水仙為辨蘭為胎並蒂嬌人何旖旎孤芳自賞時徘徊  
花神變幻有如此對花不飲何為哉花中主人今詩伯  
久與芳蘭競丰格一日詠成一百篇略似花開爭頃刻  
都轉近於七夕前一日成感  
懷百詠次日復成續唱百詠名花有意媚詩人異事宣

鄂清同聲集初編卷六

二

退補齋藏板

傳衆香國匪徒異事驚見聞呈祥獻瑞疑有神好將車  
騎階庭語細問江臯解珮人

和水仙蘭詩七古一章

劉國香

湘妃步虛朝靈霄燕姬雲軒坐相邀儷影駢肩響環珮  
墮地化作雙玉苗一苗惺忪苞含紫新鄭帳裏夢初起  
一苗偎倚花並頭女螢是妹娥皇姊花神神通逞遊戲  
如此那不入服媚鈴閣月明風定初如笑如顰還如醉  
世德由來擅芳馨盡態極妍為公瑞媿我角逐老名場  
偷得芳蘭兩字香文園幸荷汎綠水武庫卻憐飛青霜

前擬八朝來特枉蓬萊駕感詠百琲珠盈把一篇跳出  
烈傳贊水仙蘭陽春白雪和者寡挑燈命筆寫素心天風冷冷  
拂壁琴忽然魯國空谷操迸入成連海上音

和水仙蘭詩七律一章

袁瓚

娟娟月下鬪新妝結珮江臯竟體芳風定縞衣披一品  
露濃翠袖豔三湘空山本是懷仙骨小草都應有國香  
斐几筠簾供雅賞滿庭花木仗平章

和水仙蘭詩七律二章

諸可權

謫仙駕鶴下瑤京幻作名花壓衆英韻寫湘娥原有耦

鄂渚同聲集初編卷六

三

退補齋藏板

香來楚客倍關情高山流水徵同調秋月春風訂舊盟  
自喜芬芳留竟體出山不改在山清

翩然羅襪步香塵九畹齊芳別有春弄影或隨風左右  
凌波遙想月精神美人豈隔湘江上豔侶如聞洛水濱  
除卻梅花誰是伴試尋萼綠證前因

和水仙蘭詩七律二章

盧英憫

英皇紉珮幻霓裳秀骨珊珊竟體芳空谷閒情臨洛浦  
凌波瘦影步瀟湘為尋素侶偕仙侶拚訝天香如國香  
寄語尹邢休避面傾城費我幾評量

蒔花種竹展蕉陰別有風流愜素心九畹根深環綺石  
六銖衣薄綴瑤簪芳緣欲解江臯珮雅操兼彈海上琴  
屈子離騷曹子賦瓣香一例付吟襟

和水仙蘭詩古風一章

車元春

翩何來遲秋風前几案淨拭簾鉤懸託根得所露瑰異

離形得似仙乎仙玉堂舊史新詩篇于蕃首倡七言長古一章小中見大

寄託遙深不落詠物詩纖巧家數九天咳落珍珠圓同心蘭臭互投贈

為花寫照花增妍藐姑射倚湘妃肩是離是即殊娟娟

此一瓣香近初地都轉蒔蘭精舍與正覺寺近故及之拈宜佛手兜羅絲

鄂當聲集初編卷六

四 退補齋藏板

我昔拾珮湘江邊美人香草清可憐水仙王廟亦曾入  
匆匆薦菊斟寒泉豈意今朝兩美合丰神淡泊枝幽偏  
吁嗟乎鄭少舉空延緣惠知客人流連當門或被蹇修  
誤溷雜榛莠羞孫荃曷若此爾汝忘形脫凡俗惟淡與  
泊終安全

和水仙蘭詩七律二章

陳善寅

秋風茗翠茁空林九畹叢抽白玉簪在水琴兼雙操弄  
凌波機不一塵侵好教香譜通仙譜更喜冰心愜素心  
解珮靈妃絢珮客似曾相識託知音

左縈洛浦右瀟湘番信齊催水一方燕瘦環肥爭旖旎  
屈騷曹賦費評量浮蹤萍絮生同幻雅契苔岑澹欲忘  
自是謝庭鍾淑氣階前五樹燦成行

和水仙蘭詩七絕二章

濮文暹

七澤茫茫九畹青化身誰與問湘靈空山休學凌波步  
正是秋風滿洞庭

黃芽紫蒂漫相憐難得同心又並肩儘與詩翁作消受  
美人風骨本神仙

詞曲附

鄂清同聲集初編卷六

五

退補齋  
藏板

和水仙蘭

調寄畫屏秋色

徐慶銓

約得瑤池侶趁新涼笑鬪淡粧旖旎碾玉成英翦冰作  
瓣盈盈欲語是天上飛瓊偶然游戲幻珠蘂舞雲鬟翻  
翠羽看洛浦凌波瀟湘紉珮併作十分秋色帶人情緒  
玉宇纔消薄暑點綴得秋思如許雙枝低亞同心私  
祝孤芳自喜恰好是宮中尹邢金屋同徙倚背畫屏斟  
桂醕願更祝名花年年常駐香國莫便驂鸞而起

咏水仙蘭調寄十二時

王樹之

花神狡獪多奇技特為羣芳破例料應是湘靈再世記



不起前生事絮怎為萍橘胡化枳那識箇中意都虧他  
造化聰明費煞心思點綴一枝並蒂 若不是十分灑  
灑怎得十分嬌麗洛神幻影倩女離魂身世原如寄似  
夷光出浦呼卿小作游戲 真箇金蘭同臭味笑倚移  
春檻外縞衣浣雪羅襪凌波小結神仙隊看筵開羅綺  
寫遍雙鉤字

咏水仙蘭

倚聲百字令

丁紹基

曲闌閒倚記年時曾與梅花相伴一枕羅浮香夢醒  
瞥眼秋風庭院翠袂涼生玉階露冷知否流年換唬痕依

鄂渚同聲集初編卷六

六

退補齋藏板

舊素娥應帶離怨 還喜佳約風流相攜素侶悄立芳  
叢暗錯認桃根桃葉並雙美仙舟同泛洛浦幽姿湘臯  
逸韻併入胡威絹夜寒風細冷香疑在窗畔

咏水仙蘭擬琴操曲

唐瑩

有商山之仙兮騎鹿歸貽美人兮香草晝沈沈兮庭院  
深揚素葩兮歲以為好芳忽今其猗茂兮化瓊蕊而舒  
玉翹恍洛妃之凌波獨步兮遇二女於漢臯弄春姿兮  
紉秋珮銀河耿兮天長愜騷人之幽賞兮儷白雪以歌  
商繁余兮何心欲采蘭茝兮江水深江水深涼颺起不

逢仙人兮願生谷底

咏水仙蘭

調寄霜天曉角

濮文昶

橫了青琴說是水仙吟又說是猗蘭操都不是我知音  
誰是我知音有人同素心學得湘妃並影廝守着到  
如今

鄂渚同聲集初編卷六

七

退補齋  
藏板

鄂渚同聲集初編卷七 庚午

己巳除夕有感

胡鳳丹

一年十二月月去如梭一日十二時時嗟蹉跎今夕是何夕聲聲爆竹多臘盡春將回夜半聽更鼉靜坐讀陶詩歎息停雲歌停雲思親友我懷愴如何惟有兒童樂歡聲笑呵呵時乎不再來今歲倏忽過我年將半百壯志漸消磨事業一無成益覺醉顏酡

去年眷口少度支日已虧今年眷口多債臺築壘蠹貧乃士之常安命復何為富貴如浮雲聚散各有時我今

鄂渚同聲集初編卷七

一

退補齋藏板

退步想奚必愁攢眉人有不如我號寒而啼飢我今縱拮据猶可撐門楣途窮仗舊友他山石可移得過吾且過名利莫爭馳年年離故鄉落拓天之涯人生行樂耳飲酒兼賦詩居易以俟命聖人不吾欺

守歲復送歲轉瞬一年交新舊相推遷時刻不容滂冢家飲屠蘇醉酒聲喧呶開門夜未央春星斜柳梢待漏聽鷄鳴聲雜寺鐘敲

時將四更忽聞隣寺鐘聲

奴僕前致辭命駕上

螭坳趨踏集羣賢我官等繫匏一年復一年虛將歲月拋今年去草草庸才唾斗筲來年當努力莫被猿鶴

嘲

奉和月樵都轉除夕詩三首即用其體並韻

彭崧毓

往年歲除夕每在忙中過忙中且偷暇錢歲學東坡去年幸無事正好閒吟哦忽來文字債迫促同催科愧非相如賦那值千金多亦非馬周疏薦客無常何白髮已盈鏡鐵硯穿猶磨人皆春酒煖我獨凍筆呵所幸非旅困家食杯盤羅飲酣擲筆卧好夢尋南柯豈知隣巷中有客方高歌淵淵出金石聲響動林阿胡不驚我覺吟

賞偏蹉跎

粵清同聲集初編卷七

二

退補齋藏板

蹉跎已隔歲快讀君三詩豪情與勝槩一一如見之益添柏子火案列屠蘇危牙籤擁萬軸華燭明千枝妻孥燕房闈僮僕酣階墀羣動少焉息靜坐拈吟髭仕宦衆所慕獨有鄉園思富貴亦云素偏懷貧賤時平生少游語耿耿生嗟咨四顧強誰解此非老嫗知

達旦竟無寐坐聽雞鳴膠門前車已駕雙手猶推敲亟趨待漏院慮為衆所嘲朝罷各稱賀羣言無敢洩上官語吉祥衆諾如應袍或言卿雲見非煙繞螭坳或言

甘露降瑞麥生四郊或言兆年豐巽風動林梢或言主人壽明星大於匏其詞若符合人人皆豫教先生埃衆散三五留知交懷中出片紙頃刻爭傳鈔所言異諛媚愛翫何能拋

元旦

彭崧毓

除夕之夕惜年光元旦之旦蘄康強百官紳佩朝

君王老農明亦求衣裳

九重高遠同天閭私語不

敢干昊蒼小臣蟣蟲無厚望但願年穀無飢荒入拜祖先堂出迎喜神方祖先有德後嗣長喜神臨照門庭昌

鄂清同聲集初編卷七

三

退補齋藏板

子孫環列晉壽觴我有一言詔汝詳汝母弄筆誇文章文人無行非俊良汝母肆口騰雌黃言者無實皆不祥富貴浮雲何足臧聲名華袞奕世芳汝不見永康胡氏有餘慶家訓舊德傳其鄉

和彭于蕃廉訪元旦七古即次其韻

胡鳳丹

我來鄂渚瞻靈光童顏鶴髮身康強曾簪花筆侍君王

曾樹棠陰披繡裳

道光乙未翰林散館授雲南知縣官至迤東道飄然解組辭

金閭楚江水碧楚山蒼白駒皎皎無所望書田菽粟耕

津	册数	1
	价	100



357

